



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六六〇

東使紀事詩略一卷 魁齡撰

一

誦芬詩畧三卷附自述百韻詩一卷 黃炳屋撰

三三

琳齋詩稿七卷 王景彝撰

五三

二知軒詩鈔十四卷 方濬頤撰

二七五

二知軒詩續鈔十六卷 方濬頤撰

五三七

東使紀事詩略

同治五年七月初四日奉

旨此次前往朝鮮冊封王妃著派侍郎魁齡爲正使

委散秩大臣希元爲副使欽此八月初三日請

訓十二日已刻由禮部受節起程恭拜

敕書行三跪九叩禮捧

諭旨於龍亭儀仗導前出朝陽門至通州首站住宿

禮部受節恭紀一首

鳳詔

龍書下

御鑾僂僕持節捧春官多儀無過尊

君重不辱方知作士難

上國來陳新玉帛鄰封去對古衣冠懷柔本是微臣

職余現官理况復承

宣敢自寬此首出都作

宿通城有感

東使紀事詩略

昔作潞河主今爲潞河客昔時重分巡今日勞

官驛余官通永曾念我供水曹年年賦行役余

工部時每歲赴東陵查工多出此地三番出使星猶如駒過隙

余丁已赴潞陽修工戊午恭送聖容兩度襄

陵工馬繁車絡繹余庚申爲定陵工程處監督

屢經前歲奉

神鼎金幡鳴玉尺此身出泥塗此志矢精白壬戌奉移

亦過赫赫忽黃封煌煌下

丹冊我偕副帥來殷勤將璧帛今日余又偕副使繼

地落日動旌旗人影西陽夕楓冷蓼稀疏沈吟

思往昔此首以昔字起以昔字結觸

晚宿潞河公寓

紅燭當筵盛饌開雪翁小翁兩紛紛車馬故人

來舊時官吏歡相會通永舊屬官半日風塵約

共陪是日風沙撲面千里程遙涼夢遠中秋節

近客思催勞勞幾度皇華賦愧我曾無天驥才

八里橋卽景寫懷 補錄

八里橫橋一水通，頻年來往自西東。行人莫唱

陽關疊，怕聽蒹葭瑟瑟風。

十三日卯刻走謝兩倉憲並答余郡守汝修

鄧刺史錫恩及州學丞倅諸寅友午刻至夏

店早餐晚宿棗林村

宿棗林懷往事

客歲中秋夜曾驅匹馬來主人具有酒歡笑極

追陪月色猶如此鄉音去不回 聞店主已歸家數月 長廊

成獨步且詠且徘徊

途中卽事

南北村田到處忙，秋風禾稼早登場。通租無欠

官徭免，卒歲生涯好蓋藏。

是日三河令宋靜山彭壽來見蓋雪翁之

姪世兄有世誼者

十四日卯刻起程陰雨連綿似恐不能晴霽

忽於邦均早尖後陡起西風雨遂止連日秋
熱異常至是頓減

途中口占

看山早起雨中行，馬足無塵驛路平。陡覺西風

起，天末吹雲都過薊州城。

晚宿別山懷往事

余已未赴興京修工歸途宿此亦在中秋之前

別山東去更無山，再過峰巒卽到關。記得昔年

曾小住中秋已唱大刀環。

是日薊州牧吳傳巖夢曾早晚均來見亦 余

在通時之寅友也

十五日早起過綵亭橋午刻玉田早尖署縣

令何君崧泰出見

安徽人癸丑進士丙辰補行殿試籤分直隸現補

昌黎縣知縣

晚宿沙流河同贊臣通侯賞月

異鄉佳節夜沈沈，秣馬驅車驛使臨。萬古沙流

田種玉，中秋月色鏡懸金。無舟難覓袁宏跡，有

酒空懷庾亮吟底是通侯詩俊逸素琴從此有

知音

中秋獨坐客寓構思已就三聯忽黃臣遠訪謁其途中所作深愜我心遂成結句

因煎誌之以爲一時同心之助云

中秋旅邸聞雁

露冷天高無片雲今宵秋色恰平分

是日正值秋分節令

無端又見南歸雁嘹唳聲音不可聞

十六日早興午間至豐潤縣邑令朱立綱來見談片時卽去是日道塗難行至初更始抵

王

榛子鎮灤州官吏均未來見

塗中卽事

噦噦驚聲二馬駝出都千里閱人多衣冠到處
隆瞻拜山水隨時發嘯歌皮裏陽秋真鑒別客
中歲月易銷磨晚來策騎奔騰甚風景都從月
下過

店中閒詠

巨鎮月中看黃昏飽一餐官場人不見旅邸客

相安

是日無來見之客免冠解帶大脫帽詩情爲暢適誠出都後之僅事也

遠披衣夜氣寒五更催驛馬聯騎上行鞍

十七日早起行五十里至沙河驛早餐遷安令周培錦遣人遞稟

過沙河驛

沙河古驛積流沙石板排牆院落斜秣馬膏車
官僕隸毆雞逐犬野人家白描清淺三分水紅
牘蕭疏數點花堪羨農夫自有樂功名無事事

六

桑麻

見途中征兵口占

望府臺高指永平征人歸去問塗程勸君莫渡
盧龍水怕帶當年出塞聲

是日行百一十里入夜始過灤河抵永平宿
盧龍令凌觀德偕典史陳元杰來見談許久

始別

夜渡灤河

長征一路數郵亭夕照銜山馬未停作楫無材

歌淺揭揮戈乏術望圓靈

清水河無渡澗而通正德夕陽西下皎

月東

滿船燈火迎風至兩岸人聲帶月聽永平城外

過河時

忽憶首陽官渡口昔年盛漲我曾經咸豐

七年秋河水漲發余歸自潘陽由夷齊廟過渡巨浪滔天三時之久始登彼岸

十八日晨起至雙望早餐壁間有通家文字

乘入關之作讀既竟頗動吟思

午過背陰堡出盧峰口有作

七

十里盧峰盧水灣一峰一轉路迴環行人半日

隨流水看盡盧家面面山

是晚宿撫甯東關外邑令錢瑩偕典史董朝

翰來見似有吏才

十九日深河驛午餐晚寓山海關

山海關遠眺

驛路三千遠

由京師至朝鮮共三千餘里

雄關百二強西來

山作鎮東去海爲疆秋晚輪蹄塞風高節鉞涼

重城明日出旗幟白堂堂

是日至山海西關副都統長樂初印善在

關帝廟跪請

聖安

給敬謹接

安畢卽至店寓臨榆令許忠來

見晚間樂初過談頗敘舊雨之情積悃爲之

頓釋

二十日晨起答拜長樂初談片刻卽偕副使

交兵部口票出關是日西風大作關以外人

人

物蕭條大非昔時景象午至中前所早飯佐

領德海來見

車中偶吟

重關東望景全非嶺樹蕭條車馬稀今日西風

吹更緊似來飄忽送征衣

是日甯遠州地方官未得差信幸沙河驛丞

劉景亨預備驛馬並代辦拉運儀仗及頒

賞綢緞箱隻車輛始得無誤公事晚宿前屯衛

午後塗中卽事

小橋幾處過橫谿比到前屯日已西不是界牌
官接引教人無處覓輪蹄

二十一日午至中後所所爲關外巨鎮人煙
輻輳貿易者多集於此聞上年馬賊搶劫新
民屯卽垂涎此地幸 文官保統師出關賊
匪聞風遠竄以故得無恙
過中後所有感

九

此地曾三宿於今已十年人煙仍似舊風景異
從前幸有王師到能將大局全攬搶窺伺人無
令再垂涎

旗界官佐領額爾精額驍騎校王蘭更換驛
馬均來見晚宿望海店從人盡登梯望海
望海店舒眺

目極天涯望眼窮建瓴遙指暮雲東茫茫藍蔚
知何處一片滄溟海氣空

二十二日至甯遠州早餐由山海關至甯遠

計程二百里悉該州所轄之境道阻且長酬

應匪易刺史聞信出境極言來見之晚神色

頗爲惶恐余告以出都時並未派有前站所

過之地均係倉卒應差况貴治二百餘里何

能先期早悉耶牧色定遂送至離城之五道

河始別去

過甯遠口占

十

二百郵程遠公車到本難馬遲誰遞信道阻肯

勞官我趁秋風早君來月色關主人休款洽一

笑上征鞍

晚宿連山因暑短路長至戌正二刻始抵店

寓好在天氣不寒且無大風秉燭夜遊亦是

快事

夜投連山旅舍

望斷連山路行行道轉長夕陽垂木末夜火雜

星芒欲共昏鴉宿還隨渴驥忙明朝塗更遠裝束莫徬徨

是日寧遠州佐領色普鏗額李國文更換驛

馬均來見

關以外民情浮動幸今歲普慶有秋故得安集如常

二十三日高橋堡早飯午至杏山小凌河路

記佐領慶雲更換驛馬來見晚宿松山堡錦

州副都統慶印春請

聖安禮節如前舊友錦州太守文士林吉邑令劉松

十二

雲杞俱來見談兩時之久均不忍別

松山教舊

明府十年別車塵太守勞秋風思故誼舊雨憶

聯曹醫想雲情厚

丁巳寓瀋陽松雲會爲我醫病 儒欽士品

高士林立品潔清

不改讀書本色 錦衣歸得未長此念同袍

二十四日大凌河早餐北風大起義州令增

厚田莖越境來見談兩時之久始別去

喜見厚田姻姪話舊

增厚田者故內子之猶子余曩時授讀之門弟

子也歷署奉省首邑及蓋平等縣聞其尙有政聲出關後詢之途人果不謬益信向之講貫於一堂者爲有據而吾徒之坐言起行不至顛易其初衷也故不禁喜而贈之以詩

越境不知苦秋風見故人只緣聯沆瀣豈但重

姻親花縣名何早棠陰化正新封翁稱有後安

樂寄閒身

內兄松百川官浙江嚴州太守解組歸田數年林下而厚田加意奉養稱

封翁焉以視余之半生與累一綫未延者其相去不同霄壤耶噫

晚宿四台子石山站旗界兵弁戍刻始來接

差

十三

二十五日常興店早餐旗界佐領富魁李國

文防禦岐山均道中來見閭陽驛更換驛馬

小黑山路記佐領未接差是日廣寧宰煜斌

由常興店送至廣寧站卽別去晚宿中安堡

無詩

因憶出都時宮保佩翁前輩曾有索取詩稿之語故勉成之

客中勉成

中宵不語夜鐙紅搜索枯腸字字窮異日歸來

何所贈恐無詩稿笑囊空

二十六日早小黑山路記佐領穆克德科接
差胡家堡午餐平明時北風大起雲霧迷漫
微雨吹寒集而爲霰行人盡著棉衫可見關
外氣候與內地迥殊

道中卽事

破曉北風涼連羣逐雁行吹雲微作雨飛雪澹
於霜冬信秋先遞官書我獨忙敲詩催驛馬一
路縱遊繯

三

午後白旗佐領榮惠管文啟驍騎校恩陞道
中接差驛丞張維翰更換驛馬晚宿一半拉
門

二十七日大白旗堡早餐該旗佐領三人送
至茶棚菴始去巨流河管界官未接差午間
冷雨淒風砭人肌骨余與贊臣策馬行衣
裳盡濕晚宿新民屯文丞景來見蓋余同年
至好文翰初之胞弟也相見頗道素懷是晚

巨流河界官驍騎校奎春始來接差

馬上遇雨口占

雙騎下征驂從人鳥共飛西風吹劍佩寒雨透
裳衣落葉知秋晚停驂悵夕暉明朝旗旆出莫
漫五絃揮

二十八日早過巨流河孤家子午餐

過巨流偶吟

巨流河水向南流衰柳殘花兩岸秋多少征人

古

喧渡口西風來送我登舟

晚宿大石橋半站路繞道避水而行約八十
餘里戌正初刻始至旅舍承德令馮公繼堯
來見將軍遣郭什哈三人來接禮部侍郎清
吉甫遣人來均回片

夜奔大石橋

燈火點孤村長途馬正奔人稀秋冷澹路遠夜
黃昏幾處鴉棲樹誰家犬吠門前程頻問訛隔

水指遙墩

二十九日辰刻恭謁

昭陵已刻赴西關外 將軍五部堂憲學政府尹請

聖安禮節如前途中各憲均遣人接午至三益店公

館 都將軍來拜談許久刑部副郎慶彥來

見五部司員地方官來者甚夥

敬謁

昭陵恭紀一首

圭

寶城佳氣鬱蔥龍一代宏規仰

太宗地勢平鋪千里聖濤聲常聽萬年松乾坤壯麗

橋山古日月輝煌

殿宇重螻蟻有生思獻賦敢將文字擬

雲龍 內參用丁巳年駐工句

午間禮部清吉甫府尹恩竹橋拜會同年志

藹雲額篠珊桂蓮舫延樹南王漢橋前輩先

後均來暢談誠一時之快事也

公寓卽事

勝友集東南羣賢暢所談班荆來說劍微益仁

停驂笑語君同契風霜我獨詣盱衡多少事好

待靜中參

三十日巳刻恭謁

福陵陵距城二十餘里道塗積潦難行未刻始回公寓

早飯下半日答客

敬謁

夫

福陵恭紀一首

百寶

瓊城貫九州小臣嚴拜頌

皇猷山排萬笏環

龍殿水疊雙瀾護

鳳樓畢郢遠迨

王者瑞蒼梧直趨

帝之休

武功

文德空前古

太祖聲靈億萬秋 亦有舊句

九月初一日晨起赴

仙人洞焚香

余丁巳在瀋患胸臆疼痛之症延數醫調治殊無效幸賴仙人授以神方投之立應當親書大力回春四字

懸之東壁迄今街感每飯不忘焉 午後將

軍大人公餞同至尹署暢敘至秉燭時始歸

陪都公餞留題

七

衣冠酬酢集朋簪盛饌躬逢感不禁賜拜三賢

人說劍纓操五曲客談琴殷勤送別情懷厚慷

慨論交意氣深莫作尋常官舍酒一觴一詠一

開襟

初二日已初起程將軍大人在南門外

關帝廟送行談片刻即行午過渾河接渾河

即小遼水水經注云高句驪縣有遼山小遼

水即從此出又按盛京志書所載渾河發

源於長白山西北入英額界又西南入興

京界經

永陵老龍頭山南面煙筒山北面西流名蘇子河入

盛京界名渾河又南至大王屯又東南入太

子河 余戊午與京住工攷之甚確晚宿沙

河堡旗界佐領惠林道中來見

漫興 此詩蓋兩有所指也

豪情勝概仰名流磊落英多迥不侔我笑風塵

太

作俗吏羊頭不戀戀蠅頭

初三日過十里河至萬寶橋早餐按十里河

舊名稠柳河萬寶橋舊名蛤蜊河此站即明

時虎皮驛也午後過太子河二道河源出吉

林撤木禪山由葦子峪至遼陽又西南匯渾

河又西匯大遼河又西南匯三岔河三河皆

匯於牛莊同入海是日旗界官防禦德印哈

隆阿惠祥驍騎校永陞驛丞袁國陞何允昌

皆道中接差晚宿遼陽城內是日遼陽城守尉萬公福刺史張芷生同年鼎鑄迎至萬寶橋均暢談晚聞州學正姚學程吏目陳蔚文均來見此地民氣熙恬豐亨之象也

遼陽訪勝

稠柳古橋梁行人過眼忙虎皮尋舊驛鶴表問仙莊城外有丁令威化鶴舊迹名漢代句驪水華表仙莊往來者多稱道之漢書載遼水出高句驪縣唐人洗馬場城南有洗馬澗相傳唐尉遲敬德洗馬於

九

此計程兼訪勝隔水是遼陽過太子河二道卽至城

初四日望寶台早餐城守尉州牧均送至此地始別午後驛丞常昭道中接差晚宿浪子山是日俱係山道時而峻嶺插天時而激湍赴壑雖不至蜀道之難行亦幾等鹽車之困路好在天氣晴明尙不至大苦

望寶台道中作

一片朝陽馬首東四圍山色畫圖中露凝野草

餘秋碧日照霜林醉曉紅泉瀨聲吞爭赴壑石稜路聳盡盤空可能履險如平地任我征車渡晚風

管公屯詠古屯在州西北五十餘里

一龍三友世稱賢磨礪相須憶往年惟有管公能割席榻當膝處木皆穿

初五日甜水站早飯晚宿連山關驛丞劉蘭芬接差早晚均隨行午間過摩天嶺盤旋陡

三

直高與雲齊遼陽三百里山程此爲第一險

峻君子讀山高牧馬之篇所以廢書而歎也午過摩天嶺

巨嶺與雲齊崢嶸萬仞梯青天搔首問羣岫列眉低鴉點迷人影猿升上馬蹏羣叢三百里此境費攀躋

其二

陡絕摩天嶺層巒擬九嶷秋風來浙瀝山勢落

逶迤過澗馳車馬穿雲簇仗旗無邊紅葉樹蕭瑟助吟詩

初六日已刻起程因夜雨連綿詰朝不止又兼北風大起冷氣逼人山巔處竟成白雪午間冒雨行五十餘里山路崎嶇時已傍晚遂宿通遠堡盧貢生家貢生名德振係漢軍旗人饒有田土者是日防禦惠祥差畢回遼陽鳳凰城防禦三官保等接差驛丞郭銓更換

馬匹均道中來見

雨中望雪

昨宵聽雨夜鐙紅起視山林逐北風釀得微寒一半雪最高峰似白頭翁

紅葉吟

朝陽影裏看霜楓夕照沿山葉更紅丹竈卻疑槐火熟赤城誰作彩霞烘文如錦繡織難得色比胭脂染更工我向蒼溟迎紫氣絳雲朱蓋盡

從東

初七日北風大作終日不休過嶺則聲同陣虎穿林則吼類鳴牛流水狂奔捲白沙於湍底亂山直下落黃葉於村頭拔大木以傾巢非同折柳隨飄蓬而過渡莫漫登舟此眞望洋興歎鞠草爲憂者也晚宿薛禮站驛丞羅天泰更換驛馬來見地屬岫巖多瘠薄之田民雖庶而不富通遠道中閒吟

北風吹夜雨落葉下巖阿天霽秋雲捲山空澗水多黃泥騎馬路白草牧羊坡不禁長途感蕭蕭猛士歌

薛禮站詠古

百戰天山力已疲將軍三箭壯王師當年鐵戟沉何處父老猜疑到此時

初八日至鳳凰城城守尉奕印榕請

聖安禮節如前道中防禦安邦阿接差驛丞于璽更

換馬匹均來見本城佐領色卜青等來見朝
鮮首堂大護軍朴道性率副司勇李泰增李
應寅及通事等官來接本城通事桂芬德貴
亦遞稟巡檢王維藩由省甫來晚寓城內

上帝廟

鳳凰城公寓留題

雲水關山客思忙那堪風雨又催裝家鄉遠夢
新蝴蝶城郭嘉名古鳳凰節近九秋邊地冷人

三

登八道海天長過都休作尋常事百二藩封重
界疆

初九日鳳凰城官弁均來送行午刻交口票
出邊叢秀早餐晚宿野營此處距義州百餘
里並無居人江山之外惟見叢林茂草而已
重九日宿野營營掘地爲土坑上支席棚棚內僅可容燄火氣薰蒸幾同入籠之蟹終夜未敢安眠

白草荒沙野作營今宵露冷月微明三霄秋氣

雲無影萬里鄉心雁有聲越國山川歸海溼重
陽風雨寄邊城登高敢謂余能賦爲記朱蒙第
一程

初十日漫河早餐鳳凰城官兵同伍中江卡
官佛保來見午次義州城寓龍灣館城在半
山據一方之勝佳境也

次義州龍灣館

第一瓊城上碧雲檐帷暫駐入南薰

城南門曰來薰門

三

龍灣館外千山拱鴨綠江心二水分滿壁琳瑯
親望眼壁間有芝翁相國及松岑家宰秋坪同年諸前輩所題詠萬家
煙火動斜曛星輶到處旌旗指鼓吹休明答

聖君

是日國王遣使問安當卽口傳候安王以
下各官多來見並備來鹽米各二石均照例
分賞通事車夫各項人役
龍灣館再吟

攬勝入蒼溟秋風使節停江開三面關山壓四圍
青東海瞻瑤島西樓擁翠屏登臨多古意明月
照前庭

十一日小華館早餐小憩卽去至龍川州良策館住宿行甚急

途中卽事

華館小徘徊征輶取次來簡書能不畏風雨若相催此地崇勤儉何年闢草萊農桑敦古處東

證

國厚栽培

龍灣館早行晚至良策留題

龍灣飛騎望龍川水複山重敢自延驚序終朝聯小隊馬蹏誰肯讓先鞭經秋柳葉仍垂地耐

冷松枝總向天

壁間 倭相國留題詩有獨立空山耐寒之句

我過

東都賦于役馳驅執掌記年年

十二日車輦早餐午過東林城晚宿宣川府林畔館首堂官朴適性因公來見筆談兩時

之久

良策早發

一山未斷一山連路轉峰迴別有天塵蓋東趨迎曉日荒坡西指鎖朝煙長林夾道紫旗旒細水通渠灌陌阡爲問何時車輦過木翁隨處記

境內置木翁記里一覽郵傳卽知遠近毋庸詳訊也

過東林城宿林畔館

長松十里入雲深瞥見山坡上碧岑雉堞迴環

美

斜夕照魚鱗隱見傍山陰野田村落人煙少海國秋光驛使臨秣馬停車成小住始知身已過東林

十三日雲興館早餐午過唐義嶺陡直難行

晚宿定州城內延薰館

早赴雲興

早起望雲興東山日未升霜楓餘別館香稻贖秋晴月落晨雞唱風高驛馬騰幾人過峻嶺我

輩最先登

過唐裴宿延薰

唐裴直上與雲齊十里長坡駿馬嘶卧澗石如
羊出谷攀山人似蟻緣梯滿城秋氣三霄近繞
郭炊煙萬竈低底是延薰能覽勝嘉平館北定
州西

是日定州官吏備鼓樂接

旨請

聖安

齡借副使元
侍立如前

十四日辰刻始行午過曉星嶺凌空盤駕路
近斗牛乘小肩輿始得過嶺嶺半有滴水洞
始換馬晚宿嘉平館

過曉星寓嘉平二首

破曉征衣帶月披沿山緩轡故遲遲我來不敢
驚星斗直待天高日午時

莽莽復蒼蒼嘉平路短長山形爭起伏天影共

低昂客到千峰頂人迴九曲腸乘櫟等驛館秋
景滿清商

十五日由定州過大定江午後逾清水江至
安州城內安興館公寓

渡大定江偶成

風雨下急瀧舟人唱晚腔奔流直到海嶽灩正
橫江綠染瓜皮艇寒侵草閣窗乘橈官渡口一
水送嶠幢

過清水寓安興

落葉滿滄洲山城九月秋江流過大定海氣入
安州十里浮雲嶺距城十里有三霄望日樓城東
門有樓詩成懷往事兩度月臨頭余中秋宿沙
日望日兩度月流河計今已
圓矣

是日安州官吏接

旨請

聖安禮節如前 國王遣中使由望都至安州來請